

ასოციაციის
“საქართველოს ეს-ო-ეს ბავშვთა სოფელი”
2021 წლის საქმიანობის
პროგრამული ანგარიში

შინაარსი

შესავალი.....	2
1. ოჯახის გაძლიერების პროგრამა.....	2
1.1 დელათა და ბავშვთა თავშესაფარის მომსახურებები.....	3
1.2 ბავშვთა დღის ცენტრის მომსახურება (ასაკობრივი ჯგუფი: 1-3 წელი).....	4
1.3 პროექტი - „გენდერული თანასწორობის ხელშეწყობა და ბავშვთა მიტოვების პრევენცია ზუგდიდის მუნიციპალიტეტში“.....	4
1.4 ბავშვთა ადრეული განვითარების პროგრამა.....	4
1.5 პროექტი - „გაუმჯობესებული ბავშვთა დაცვის სისტემა გურიისა და კახეთის რეგიონებში“.....	5
1.6 COVID-19 პანდემიით გამოწვეული სირთულეების გამო სიღარიბეში მცხოვრები ბავშვიანი ოჯახების დახმარების პროექტი.....	5
2. ალტერნატიული ზრუნვა.....	6
2.1 მცირე საოჯახო სახლები.....	6
2.2 ახალგაზრდების განვითარების პროგრამა.....	7
3. ადვოკატირება.....	8

ასოციაციის
“საქართველოს ეს-ო-ეს ბავშვთა სოფელი”
2021 წლის ფინანსური ანგარიში

- ასოციაციის «საქართველოს ეს-ო-ეს ბავშვთა სოფელი» ბალანსი 2021 წლის 31 დეკემბრის მდგომარეობით.....	9
- ასოციაციის «საქართველოს ეს-ო-ეს ბავშვთა სოფელი» საქმიანობის ფინანსური შედეგების ანგარიშგება 2021 წლის 31 დეკემბრის მდგომარეობით.....	10
- ასოციაციის «საქართველოს ეს-ო-ეს ბავშვთა სოფელი» ფულადი ნაკადების მოძრაობის ანგარიშგება 2021 წლის 31 დეკემბრის მდგომარეობით.....	11

შესავალი

ასოციაცია “საქართველოს ეს-ო-ეს ბავშვთა სოფელი“ არის არასამეწარმეო არაკომერციული იურიდიული პირი, რომელსაც გააჩნია საკუთარი წესდება და ჰყავს გამგეობა. ჩვენი ასოციაცია მოქმედებს საერთაშორისო ორგანიზაციის, კერძოდ კი SOS Children's Villages International-ის წესდებისა და პრინციპების შესაბამისად, რომელსაც მსოფლიოს 118 ქვეყანაში ჰყავს წვერი ორგანიზაცია ეროვნული ასოციაციების სახით.

ორგანიზაციის ძირითად საქმიანობას წარმოადგენს მიტოვების რისკის წინაშე მყოფი და მშობელთა მზრუნველობას მოკლებული ბავშვებისა და ახალგაზრდების სოციალური ფუნქციონირების გაუმჯობესება და მათი კეთილდღეობის მხარდაჭერა.

ასოციაცია “საქართველოს ეს-ო-ეს ბავშვთა სოფელი“ 1989 წლიდან საქმიანობს საქართველოში. ორგანიზაციის მიზანია, ოჯახის მხარდამჭერი და ალტერნატიული მომსახურებების შეთავაზებით, მიტოვების რისკის წინაშე მყოფი და მშობელთა მზრუნველობას მოკლებული ბავშვებისა და ახალგაზრდების მზრუნველ და ოჯახურ გარემოში აღზრდის ხელშეწყობა, რაც თავის მხრივ ხელს უწყობს მათ ჯანსაღ პიროვნებად ფორმირებასა და საზოგადოებაში ინტეგრაციას.

ყველა მიმართულება, რომელიც ხორციელდება საქართველოში ჩვენი ასოციაციის მიერ სხვადასხვა პროგრამისა თუ პროექტის სახით, სრულად პასუხობს გაეროს ბავშვის უფლებათა კონვენციის პრინციპებს, საქართველოს კანონს «ბავშვის უფლებათა კოდექსი» და ბავშვთა კეთილდღეობის პოლიტიკას, რაც გახდა საფუძველი იმისა, რომ ჩვენი ორგანიზაცია მჭიდროდ თანამშრომლობს როგორც საქართველოს მთავრობასთან, ისე საერთაშორისო და ადგილობრივ არასამთავრობო ორგანიზაციებთან, საზოგადოებრივ ინსტიტუტებთან და კერძო სექტორის წარმომადგენლებთან.

1. ოჯახის გაძლიერების პროგრამა

თბილი, მზრუნველი და მოსიყვარულე ოჯახი მნიშვნელოვანია ბავშვის ფიზიკური, კოგნიტური, ფსიქო-ემოციური და სოციალური განვითარებისთვის. თითოეული ბავშვისთვის აუცილებელია ოჯახი უზრუნველყოფდეს ისეთ გარემოს, რომელიც ხელს უწყობს მის ჯანსაღ განვითარებას. შესაბამისად, ოჯახის გაძლიერების პროგრამის მთავარი მიზანია, სოციალურად დაუცველი ბავშვებისა და მათი მშობლების დახმარება, რათა შესაძლებელი გახდეს ბავშვების აღზრდა-განვითარება უსაფრთხო და მზრუნველ ოჯახურ გარემოში. ოჯახის გაძლიერების პროგრამა ფუნქციონირებს თბილისში, სამეგრელო-ზემო სვანეთისა და იმერეთის რეგიონებში.

ოჯახის გაძლიერების პროგრამის მიზნობრივ ჯგუფს წარმოადგენენ 0-18 წლამდე ბავშვები და მათი მშობლები, რომლებიც სხვადასხვა სოციალური ფაქტორების გამო საჭიროებენ მხარდაჭერასა და დახმარებას.

ოჯახის გაძლიერების პროგრამა, სამიზნე ჯგუფის ბენეფიციარებს სთავაზობს სხვადასხვა სახის მომსახურებას, როგორცაა ფსიქო-სოციალური მხარდაჭერა, დასაქმებასა და თვითდასაქმებაში ხელშეწყობა.

პროგრამის მიზნებიდან და ამოცანებიდან გამომდინარე, 2021 წელს პროგრამის სოციალური მუშაკების მიერ, თბილისში, ქუთაისისა და ზუგდიდის მუნიციპალიტეტებში

დახმარება გაეწია 0-18 წლამდე ასაკის 1651 ბავშვსა და მათ მშობელს (დეკემბრის მდგომარეობით).

2021 წელს, ოჯახების გაძლიერების პროგრამის ფარგლებში, ორგანიზებული იყო გარე პროფესიული სუპერვიზია, როგორც სოციალური მუშაკებისთვის, ისე ფსიქოლოგებისთვის. აღნიშნული მიდგომის გამოყენებამ ხელი შეუწყო პროექტის ეფექტურობა-ეფექტიანობის გაზრდას; გარდა ამისა, შესაძლებელი გახდა ონლაინ ფორმატით არაერთი საგანმანათლებლო ტრენინგის ორგანიზება, თანამშრომელთა პროფესიული განვითარების მხარდასაჭერად.

1.1 დედათა და ბავშვთა თავშესაფარის მომსახურებები

ოჯახის გაძლიერების პროგრამის ფარგლებში, თბილისსა და ქუთაისში 2021 წელს ფუნქციონირებდა 3 დედათა და ბავშვთა თავშესაფარი.

აღნიშნული მომსახურების მიზანია უზრუნველყოს მიტოვების რისკის წინაშე მყოფი ბავშვების დედებისა (მარტოხელა მშობლები) და მათი 10 წლამდე ასაკის შვილების მხარდაჭერა, კერძოდ კი თავშესაფარის შეთავაზება და სხვადასხვა სახის ინტერვენციების მიწოდება, მათი სოციალური ფუნქციონირების აღდგენა-გაუმჯობესებისთვის.

დედათა და ბავშვთა თავშესაფარები განვითარდა საქართველოს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროსთან თანამშრომლობით და იგი განსაზღვრულია 45 მარტოხელა დედისა და მიტოვების რისკის წინაშე მყოფი ბავშვების მხარდაჭერაზე.

თბილისსა და ქუთაისში არსებული 3 დედათა და ბავშვთა თავშესაფარი ფოკუსირებულია ბავშვების მიტოვების პრევენციაზე და ხელს უწყობს თავშესაფარში მცხოვრები დედების გაძლიერებას, რათა მათ თავშესაფრიდან გასვლის შემდგომ დამოუკიდებლად შეძლონ უსაფრთხო გარემოში საკუთარ შვილებზე სათანადოდ ზრუნვა.

თავშესაფარში განთავსებული ბენეფიციარები იღებენ შემდეგი სახის მომსახურებებს:

- 24 საათიანი/სადღეღამისო ზრუნვა
- ჯანსაღი საკვები პროდუქტებით უზრუნველყოფა
- ასაკის, სქესისა და სეზონის შესაბამისი სამოსით უზრუნველყოფა
- პირადი ჰიგიენისათვის აუცილებელი ნივთებით უზრუნველყოფა
- საჭიროების შემთხვევაში, ამბულატორიული და სტაციონარული სამედიცინო მომსახურების ორგანიზება
- ადგილზე პედიატრის, ექთანისა და ძიძის მომსახურება
- პრენატალური ზრუნვა
- ფსიქო-სოციალური მხარდაჭერა
- დედების ბავშვზე ზრუნვის უნარ-ჩვევების განვითარებაში ხელშეწყობა
- დედებისათვის პროფესიული და არაფორმალური განათლების მიღების ხელშეწყობა
- თანადგომის ქსელის გაძლიერება
- დედების დასაქმებაში ხელშეწყობა

პროფესიული განათლების მიღების, დასაქმებასა და თვითდასაქმებაში დახმარების მიზნით, ბენეფიციარებს მათი ინტერესებისა და შესაძლებლობების გათვალისწინებით, გაეწიათ სხვადასხვა ტიპის მხარდაჭერა.

თავშესაფრის ბენეფიციარებთან, მათი გაძლიერების მიზნით, პერმანენტულად ტარდებოდა სხვადასხვა სახის ინტერვენციები, როგორცაა: ფსიქოლოგიური მხარდაჭერა, ფსიქო-ემოციური მდგომარეობის სტაბილიზაციის მიზნით; ინდივიდუალური და ჯგუფური კონსულტაციები მშობლის უნარ-ჩვევების, პიროვნული ზრდის, ტრავმასთან გამკლავებისა და ურთიერთობების დროს არსებული სირთულეების დაძლევის კუთხით. გარკვეული პერიოდულობით მოწვეული სპეციალისტები ონლაინ ფორმატით ატარებდნენ საინფორმაციო შეხვედრებს სამართლებრივ და ჯანსაღი ცხოვრების წესის საკითხებზე.

თბილისისა და ქუთაისის ოჯახის გაძლიერების პროექტების სოციალური მუშაკების მხარდაჭერით, აქტიურად მიმდინარეობდა თავშესაფრების ბენეფიციარების თანადგომის ქსელთან მუშაობა; გარდა ამისა, ისინი სხვადასხვა თემაზე ატარებდნენ ადვოკატირების ღონისძიებებს სხვადასხვა უწყებებთან.

1.2 ბავშვთა დღის ცენტრის მომსახურება (ასაკობრივი ჯგუფი: 1-3 წელი)

ქუთაისის ოჯახის გაძლიერების პროექტის განუყოფელი ნაწილია 1-დან 3 წლამდე ასაკის ბავშვთა დღის ცენტრის მომსახურება.

2021 წელს, 1-დან 3 წლამდე ასაკის ბავშვთა დღის ცენტრის ფარგლებში მომსახურება გაეწია 20 მცირეწლოვან ბავშვს.

ნიშანდობლივია აღინიშნოს ის, რომ დღის ცენტრის მომსახურების ფინანსურ მხარდაჭერას უზრუნველყოფს ქ. ქუთაისის მერია, რომელიც პროექტის მდგრადობის უზრუნველყოფის ნაწილში გახლავთ ერთ-ერთი მინიშენელოვანი პარტნიორი.

1.3 პროექტი - „გენდერული თანასწორობის ხელშეწყობა და ბავშვთა მიტოვების პრევენცია ზუგდიდის მუნიციპალიტეტში“

2021 წელს წარმატებით მიმდინარეობდა ავსტრიის განვითარების სააგენტოსა და avstriis SOS ბავშვთა სოფლის მიერ დაფინანსებული 36 თვიანი პროექტის – „გენდერული თანასწორობის ხელშეწყობა და ბავშვთა მიტოვების პრევენცია ზუგდიდის მუნიციპალიტეტში“ განხორციელება, რომლის ფარგლებშიც ბენეფიციარ ბავშვებსა და მათ ოჯახებს მიეწოდებოდათ ოჯახის მხარდაჭერი სხვადასხვა მომსახურება თუ ინტერვენცია, როგორცაა სოციალური სამუშაო, ფსიქოლოგიური დახმარება, პროფესიული განვითარებისა და დასაქმების ხელშეწყობა, სოფლის მეურნეობის განვითარება და საგანმანათლებლო საჭიროებების დაკმაყოფილება.

პროექტის ფარგლებში, 2021 წელს ასევე ფუნქციონირებდა დღის ცენტრი, სადაც ჩართული იყო 20 ბავშვი (ბავშვთა ასაკობრივი ჯგუფი: 6-18), რომელმაც დიდი დახმარება გაუწია სოციალურად დაუცველ ბენეფიციარ ბავშვებს სოციალური ფუნქციონირების აღდგენა-გაუმჯობესებაში. რადგანაც დღის ცენტრის მომსახურებას აფინანსებს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტრო, რომელიც გახლავთ პროექტის ერთ-ერთი მნიშვნელოვანი პარტნიორი, მათთან შეთანხმებით, ქვეყანაში COVID-19 პანდემიით გამოწვეული მდგომარეობის გამო, ბენეფიციარებისათვის დღის ცენტრის მომსახურების მიწოდება სხვადასხვა დროს ხორციელდებოდა დისტანციური მეთოდითაც.

1.4 ბავშვთა ადრეული განვითარების პროგრამა

ოჯახის გაძლიერების პროექტის ფარგლებში, თბილისში, ქუთაისსა და ზუგდიდში კოვიდ-19 პანდემიით გამოწვეული გარემოებების გამო, ჰიბრიდულად და/ან დისტანციურად განხორციელდა ბავშვთა ადრეული განვითარების პროგრამა.

ბავშვთა ადრეული განვითარების პროგრამა დაფინანსებულია საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს მიერ სოციალური რეაბილიტაციისა და ბავშვზე ზრუნვის სახელმწიფო პროგრამის ფარგლებში. პროგრამა განკუთვნილია 0-7 წლამდე ასაკის განვითარების შეფერხების ან ამ მხრივ რისკის მქონე ბავშვებისა და მათი ოჯახებისათვის. აღნიშნული მომსახურება გულისხმობს ბავშვის განვითარების ხელშეწყობას და მშობლობის უნარების გაძლიერებას. პროგრამა სრულად ფინანსდება სახელმწიფოს მიერ.

2021 წელს თბილისის, ქუთაისისა და ზუგდიდის ბავშვთა ადრეული განვითარების პროგრამის ფარგლებში ლიცენზირებული პროგრამით გადამზადებულმა ადრეული განვითარების სპეციალისტებმა დახმარება გაუწიეს 86 ბავშვს (დეკემბრის მდგომარეობით).

1.5. პროექტი - „გაუმჯობესებული ბავშვთა დაცვის სისტემა გურიისა და კახეთის რეგიონებში“

2021 წელს გაგრძელდა გერმანიის ეკონომიკური თანამშრომლობისა და განვითარების ფედერალური სამინისტროსა და ჰერმან გმაინერის გერმანიის ფონდის მიერ დაფინანსებული 39 თვიანი პროექტი - „გაუმჯობესებული ბავშვთა დაცვის სისტემა გურიისა და კახეთის რეგიონებში“ განხორციელება.

პროექტის მიზანია გურიისა და კახეთის რეგიონების თემში მცხოვრები სოციალურ-ეკონომიკურად მოწყვლადი ბავშვებისა და მათი ოჯახების გაძლიერება ბავშვთა დაცვის სტრუქტურების ეფექტურობის გაზრდით.

აღნიშნული პროექტის ადგილობრივი პარტნიორები არიან არასამთავრობო ორგანიზაციები – “კახეთის სამხარეო განვითარების ცენტრი” და “ახალგაზრდა პედაგოგთა კავშირი”.

1.6. COVID-19 პანდემიით გამოწვეული სირთულეების გამო სიღარიბეში მცხოვრები ბავშვიანი ოჯახების დახმარების პროექტი

2021 წელს დაიწყო ჰერმან გმაინერის გერმანიის ფონდის მიერ დაფინანსებული პროექტის „COVID-19 პანდემიით გამოწვეული სირთულეების გამო სიღარიბეში მცხოვრები ბავშვიანი ოჯახების დახმარება“ განხორციელება.

პროექტის მიზანია ოჯახის გაძლიერების სამი სხვადასხვა პროექტის მიზნობრივი ოჯახების 60%-ის ციფრული მოწყობილობებით დახმარება, სტრესის/შფოთვის დაძლევაში მხარდაჭერა და აღზრდის არაძალადობრივი მეთოდების სწავლება.

აღნიშნული პროექტი ხორციელდება ქ. თბილისში, ასევე, ქუთაისისა და ზუგდიდის მუნიციპალიტეტებში.

2. ალტერნატიული ზრუნვა

ყველა ბავშვის უფლებაა იზრდებოდეს მზრუნველ, ოჯახურ გარემოში. თუმცა იმ შემთხვევაში, როცა ბიოლოგიურ ოჯახში ბავშვის აღზრდა შეუძლებელია, საჭირო ხდება მზრუნველობამოკლებული ბავშვისათვის ალტერნატიული მომსახურების მიწოდება. სწორედ ამ მიზნით, **ალტერნატიული ზრუნვის** ფარგლებში, ასოციაცია „საქართველოს ეს-ო-ეს ბავშვთა სოფელი“ მშობელთა მზრუნველობას მოკლებულ ბავშვებს სთავაზობს ოჯახთან მიახლოებულ, მზრუნველ და უსაფრთხო გარემოს, რომელიც ხელს უწყობს მათ ჯანსაღ პიროვნებად ჩამოყალიბებას, მათი სოციალური უნარების განვითარებასა და საზოგადოებაში ინტეგრაციის პროცესს.

ალტერნატიული ზრუნვის ფარგლებში, ასოციაციის მიზანია მშობელთა მზრუნველობას მოკლებულ ბავშვებს/ახალგაზრდებს დაეხმაროს საკუთარი მომავლის ფორმირებაში. შესაბამისად, ბენეფიციარებს საშუალება ეძლევათ ოჯახთან მიახლოებულ გარემოში ჩამოყალიბონ მყარი ურთიერთობები და მათი ინტერესებისა და ნიჭის გათვალისწინებით, გამოავლინონ საკუთარი შესაძლებლობები; გარდა ამისა, მიიღონ განათლება, გაიღრმავონ პრაქტიკული ცოდნა და გახდნენ საზოგადოების სრულფასოვანი წევრები.

ალტერნატიული ზრუნვის ფარგლებში, ორგანიზაცია მზრუნველობამოკლებულ ბავშვებს/ახალგაზრდებს სთავაზობს შემდეგ მომსახურებებს: **მცირე საოჯახო სახლები, ახალგაზრდების საცხოვრისის, ახალგაზრდების ნახევრად დამოუკიდებელი და დამოუკიდებელი ცხოვრების პროგრამები.**

2.1 მცირე საოჯახო სახლები

მცირე საოჯახო სახლის დანიშნულებაა ბავშვის განვითარებაზე ორიენტირებული, ოჯახთან მიახლოებული გარემოს შექმნა. აღნიშნული გარემო ბავშვს აძლევს შესაძლებლობას ჰქონდეს ბედნიერი ბავშვობა, დაეუფლოს სოციალურ უნარ-ჩვევებს, მიიღოს განათლება და ეტაპობრივად მოემზადოს დამოუკიდებელი ცხოვრებისათვის.

მცირე საოჯახო სახლში თითოეულ ბავშვს ჰყავს აღმზრდელ(ებ)ი, რომლებიც ზრუნავენ მათზე და უქმნიან მას უსაფრთხო, სტაბილურ და სიყვარულით სავსე გარემოს. ბიოლოგიური დედმამიშვილები აუცილებლად ერთსა და იმავე მცირე საოჯახო სახლში იზრდებიან.

მცირე საოჯახო სახლში მცხოვრებ ბავშვებთან გამოიყენება ინდივიდუალური მიდგომა მულტიდისციპლინარული გუნდის მიერ, რომელშიც ჩართულნი არიან სხვადასხვა სპეციალისტები (სოციალური მუშაკი, ფსიქოლოგი, აღმზრდელი, პედიატრი) და თავად ბავშვები. აღსაზრდელის ჭეშმარიტი ინტერესებისა და შესაძლებლობების გათვალისწინებით, იქმნება ინდივიდუალური განვითარების გეგმა. აღნიშნული მიდგომა ხელს უწყობს ინდივიდუალურ საჭიროებებზე დამყარებული ზრუნვის მიწოდებას თითოეული ბავშვისათვის.

გარდა საბაზისო მოთხოვნილებების დაკმაყოფილებისა, როგორცაა ჯანსაღი კვება, უსაფრთხო გარემო, განათლება და ჯანდაცვა, მცირე საოჯახო სახლის მომსახურება საშუალებას აძლევს აღსაზრდელებს მაქსიმალურად გამოავლინონ საკუთარი ნიჭი, ინტერესები და პოტენციალი, ორგანიზაცია კი, თავის მხრივ, უზრუნველყოფს

აღნიშნული პოტენციალის რეალიზების ხელშეწყობას. ბავშვები ჩართულნი არიან სხვადასხვა სახის ფორმალური და არაფორმალური განათლების აქტივობებში, დასვენებისა და გაჯანსაღების, კულტურულ, შემეცნებით და სპორტულ ღონისძიებებში, სწავლობენ საკუთარი ჯიბის ფულის გამოყენებას, ეუფლებიან სოციალურ უნარებსა და ეტაპობრივად ემზადებიან დამოუკიდებელი ცხოვრებისათვის.

2021 წელს თბილისში, იმერეთის, სამეგრელო-ზემო სვანეთისა და რაჭა-ლეჩხუმისა და ქვემო სვანეთის რეგიონების სხვადასხვა რაიონში ფუნქციონირებდა 23 მცირე საოჯახო სახლი და შესაბამისად, აღნიშნულ მომსახურებებში **2021 წელს ჩართული იყო 123 მშობელთა მზრუნველობას მოკლებული ბავშვი** (დეკემბრის მდგომარეობით).

2.2 ახალგაზრდების განვითარების პროგრამა

ახალგაზრდების განვითარების პროგრამის ფარგლებში ბენეფიციარებისთვის ხელმისაწვდომია ახალგაზრდული საცხოვრისის, ნახევრად დამოუკიდებელი ცხოვრებისა და ბინით უზრუნველყოფის ქვეპროგრამები.

ახალგაზრდული საცხოვრისის ქვეპროგრამის მიზანია მშობელთა მზრუნველობას მოკლებული ახალგაზრდების დახმარება, მათი სრულფასოვან პიროვნებად ჩამოყალიბებისა და დამოუკიდებელი სოციალური ფუნქციონირების მიზნით.

ახალგაზრდების განვითარების პროგრამის ფარგლებში, თბილისსა (2 სახლი) და ქუთაისში (1 სახლი) ხორციელდება ახალგაზრდული საცხოვრისის ქვეპროგრამა. აღნიშნული ქვეპროგრამის ადმინისტრირებას ორივე ლოკაციაში უზრუნველყოფენ ორგანიზაციაში დასაქმებული სპეციალისტები. მცირე საოჯახო სახლების მსგავსად, ახალგაზრდული საცხოვრისის ქვეპროგრამაშიც ახალგაზრდებთან მუშაობისას გამოიყენება ზრუნვის ინდივიდუალური მიდგომა.

ახალგაზრდული საცხოვრისის ქვეპროგრამის დანიშნულებაა უზრუნველყოს ახალგაზრდების მომზადება დამოუკიდებელი ცხოვრებისათვის, ხელი შეუწყოს მათ საკუთარი შესაძლებლობებისა და პოტენციალის გამოვლენაში და სოციალური უნარების განვითარებაში. ახალგაზრდებს საშუალება აქვთ მიიღონ უმაღლესი, უმაღლეს-პროფესიული და/ან პროფესიული განათლება, დასაქმდნენ და მოემზადონ დამოუკიდებელი ცხოვრებისათვის.

რაც შეეხება ნახევრად დამოუკიდებელი ცხოვრების ქვეპროგრამას, იგი ხელმისაწვდომია იმ ახალგაზრდებისთვის, რომლებიც აკმაყოფილებენ ორგანიზაციის მიერ კონცეფციით განსაზღვრულ კრიტერიუმებს, კერძოდ, ახალგაზრდა უნდა სწავლობდეს უმაღლეს, უმაღლეს-პროფესიულ და/ან პროფესიულ სასწავლებელში, ან მუშაობდეს.

ნახევრად დამოუკიდებელი ცხოვრების პროგრამის მთავარი მიზანია, ახალგაზრდულ სახლში შექმნილი სასიცოცხლო უნარების განვითარება-დახვეწა და ახალგაზრდების დახმარება დამოუკიდებელი ცხოვრების დაწყებაში. ამ ეტაპზე ახალგაზრდა უკვე დამოუკიდებლად ცხოვრობს საკუთარ ან ორგანიზაციის ფინანსური რესურსით ნაქირავებ ბინაში. ნახევრად დამოუკიდებელი ცხოვრების ქვეპროგრამის ფარგლებში, სპეციალისტები უზრუნველყოფენ ახალგაზრდაზე ზედამხედველობას; გარდა ამისა, უწყვეტად მიმდინარეობს მათთვის მატერიალური და არამატერიალური დახმარების გაწევა.

რაც შეეხება ბინით უზრუნველყოფის ქვეპროგრამას, ალტერნატიული ზრუნვის სხვადასხვა ეტაპის გავლის შემდგომ, ახალგაზრდა დამოუკიდებლად გადადის საცხოვრებლად. ამ პერიოდში წყდება მასზე პირდაპირი მზრუნველობა და შესაბამისად, მისი ინდივიდუალური განვითარების გეგმის წარმოება.

დამოუკიდებელი ცხოვრების ეტაპზე, შესაბამისი კრიტერიუმების დაკმაყოფილების შემთხვევაში, ორგანიზაცია ესმარება ახალგაზრდას ბინის შექენაში, რომლის ღირებულების 60-70%-ს გამოყოფს ორგანიზაცია, ხოლო 30-40%-ს კი საკუთარი დანახოვით, თავად ახალგაზრდა.

2021 წელს, თბილისში, ბინით უზრუნველყოფის ქვეპროგრამის ფარგლებში, 2 ახალგაზრდას გაეწია დახმარება და მათ შეიძინეს საცხოვრისი. შესაბამისად, თითოეული მათგანი დღეს უკვე დამოუკიდებლად ახერხებს ცხოვრებას.

2021 წელს (დეკემბრის მდგომარეობით), ახალგაზრდების განვითარების პროგრამის ფარგლებში, თბილისში მთლიანობაში მომსახურება გაეწია 45 ახალგაზრდას, ხოლო ქუთაისში – 23 ახალგაზრდას.

3. ადვოკატირება

გაეროს ბავშვის უფლებათა კონვენციის პრინციპების დაცვით, ასოციაცია “საქართველოს ეს-ო-ეს ბავშვთა სოფელი” ადვოკატირებას უწევს ბავშვთა უფლებების დაცვას და დარწმუნებულია, რომ ბავშვის განვითარება და სრულფასოვან პიროვნებად ჩამოყალიბება შესაძლებელია მხოლოდ ოჯახურ გარემოში.

ორგანიზაციაში არსებობს ადვოკატირების სტრატეგია, რომელიც ფოკუსირებულია ბავშვთა კეთილდღეობის პოლიტიკისა და პრაქტიკის გაუმჯობესებაზე. ადვოკატირების სტრატეგიის მიზნების გათვალისწინებით, მუდმივ რეჟიმში ხდება დიალოგი პოლიტიკის შექმნელებთან და მიმდინარეობს აქტიური თანამშრომლობა, როგორც ბავშვთა კეთილდღეობის სფეროში მომუშავე საერთაშორისო და ადგილობრივ არასამთავრობო ორგანიზაციებთან, ისე სხვა საზოგადოებრივ ინსტიტუტებთან.

ასოციაციის
“საქართველოს ეს-ო-ეს ბავშვთა სოფელი”
2021 წლის ფინანსური ანგარიში

ასოციაციის «საქართველოს ეს-ო-ეს ბავშვთა სოფელი» ბალანსი 2021 წლის
 31 დეკემბრის მდგომარეობით

აქტივები	31.12.2021 ლარი	31.12.2020 ლარი
გრძელვადიანი აქტივები		
არამატერიალური აქტივები	76,600	5,605
ძირითადი საშუალებები	12,063,912	7,464,893
მთლიანი გრძელვადიანი აქტივები	12,140,512	7,470,498
მარაგები	41,181	45,909
მოთხოვნები	463,793	638,556
ფული და ფულის ექვივალენტი	2,345,174	1,301,075
მთლიანი მიმდინარე აქტივები	2,850,149	1,985,541
სულ აქტივები	14,990,661	9,456,039
აკუმულირებული ფონდები და ვალდებულებები		
აკუმულირებული ფონდები		
შეუზღუდავი ფონდები	11,731,177	6,913,370
მთლიანი აკუმულირებული ფონდები	11,731,177	6,913,370
grZelvadiani valdebulebebi	0	0
ფონდები სატრასტო მართვაში	311,802	344,939
გრძელვადიანი უზრუნველყოფის ფონდი (რეზერვი)	2,730,178	2,131,919
შეზღუდული ფონდები	159,658	13,697
მიმდინარე ვალდებულებები	3,041,980	2,476,858
მთლიანი გრძელვადიანი ვალდებულებები	3,201,637	2,490,555
ვალდებულებები მომწოდებლების წინაშე	57,847	52,113
ვალდებულებები თანამშრომლების წინაშე		
მთლიანი მიმდინარე ვალდებულებები	57,847	52,113
სულ აკუმულირებული ფონდები და ვალდებულებები	14,990,661	9,456,039

ასოციაციის «საქართველოს ეს-ო-ეს ბავშვთა სოფელი» საქმიანობის
ფინანსური შედეგების ანგარიშგება 2021 წლის 31 დეკემბრის
მდგომარეობით

	31.12.2021	31.12.2020
შემოსავალი	ლარი	ლარი
შემოსავალი საზღვარგარეთიდან	6,128,147	5,308,365
შემოსავალი მხარდამჭერი და განვითარების ხელშემწყობი ასოციაციებიდან მიმდინარე ხარჯებისთვის	6,128,147	5,308,365
შემოსავალი მხარდამჭერი და განვითარების ხელშემწყობი ასოციაციებიდან მშენებლობის პროექტებისთვის		
ადგილობრივი შემოსავალი	2,091,746	1,898,151
ადგილობრივი შემოსავალი მიღებული ფონდების მოზიდვით	428,509	352,906
სახელმწიფო სუბსიდიები და გრანტები	1,574,558	1,419,287
საოპერაციო ადგილობრივი შემოსავალი	2,122	1,912
სხვა ადგილობრივი შემოსავალი	86,557	124,046
სულ შემოსავალი	8,219,892	7,206,516
ხარჯები		
პროგრამული/პროექტის დანახარჯები	(6,419,304)	(5,111,443)
ადმინისტრაციული დანახარჯები	(1,301,214)	(1,378,153)
ფონდების მოზიდვასთან დაკავშირებული დანახარჯები	(28,664)	(28,100)
სხვა დანახარჯები	(655,254)	(4,033,721)
სულ დანახარჯები	(8,404,437)	(10,551,417)
სახსრების ტრანსფერი საოპერაციო შემოსავალში საზღვარგარეთიდან	0	0
წმინდა ნამატი/დეფიციტი საოპერაციო საქმიანობიდან	(184,545)	(3,344,901)
შემოსავალი/დანახარჯი საფინანსო საქმიანობიდან		
საპროცენტო შემოსავალი	73,553	31,593
საპროცენტო დანახარჯი	-3,269	(2,052)
სხვა ფინანსური შემოსავალი/ხარჯი	2,391,566	
გაცვლითი კურსით გამოწვეული მოგება/ზარალი	-71,690	93,843
სულ საფინანსო საქმიანობიდან მიღებული შედეგი	2,390,160	123,384
წმინდა ნამატი/დეფიციტი გადასახადამდე	2,205,615	(3,221,517)
მოგების გადასახადის ხარჯი	-	-
გადასახადების შემდეგ ნამატი/დეფიციტი	2,205,615	(3,221,517)

ასოციაციის «საქართველოს ეს-ო-ეს ბავშვთა სოფელი» ფულადი
ნაკადების მოძრაობის ანგარიშგება 2021 წლის 31 დეკემბრის
მდგომარეობით

	31.12.2021 ლარი	31.12.2020 ლარი
ფულის მოძრაობა საოპერაციო საქმიანობიდან		
ნამატი გადასახადის გადახდამდე კორექტირებები:	2,205,615	(3,221,517)
საწყისი ნაშთის კორექტირება	-	-
ამორტიზაცია	617,927	682,879
ქონების, მანქანა-დანადგარების რეალიზაცია	37,327	3,357,707
აქტივების აფასება	-	(5,854,158)
საოპერაციო ნამატი საბრუნავ კაპიტალში ცვლილებამდე	2,860,869	(5,035,089)
ცვლილებები დებიტორულ დავალიანებაში	(145,191)	319,954
ცვლილებები მარაგებში	4,731	(3)
ცვლილებები კრედიტორულ დავალიანებაში	(1,310,200)	2,027,016
წმინდა ფული საოპერაციო საქმიანობიდან	1,410,208	(2,688,122)
ფულის მოძრაობა საინვესტიციო საქმიანობიდან		
ძირითადი საშუალებების შეძენა	(1,292,691)	(2,144,040)
არამატერიალური აქტივების შეძენა	-	(88,549)
კორექტირება ძირითად საშუალებებში	-	5,847,292
წმინდა ფული გამოყენებული საინვესტიციო საქმიანობაში	(1,292,691)	3,614,703
ჯამური ფულის მოძრაობა	117,517	926,582
ფულის და ფულის ექვივალენტების წმინდა ცვლილება	117,517	926,582
ფული და ფულის ექვივალენტები პერიოდის დასაწყისში	2,227,657	1,301,075
ფული და ფულის ექვივალენტები პერიოდის ბოლოს	2,345,174	2,227,657